



Uhapšen u svojoj kući u starom dijelu Sarajeva (Foto: F. Fočo)



Sin Adin satima čekao odluku Tužilaštva BiH (Foto: M. Kadrić)

**SARAJEVO** SIPA uhapsila bivšeg komandanta 3. korpusa ARBiH

# Mahmuljina optužuju zbog zločina odreda 'El Mudžahid'

Osumnjičen da je propustio da spriječi ubistvo oko 50 civila srpske nacionalnosti na području Vozuće • Mahmuljin je negirao da ima bilo kakvu ulogu u zločinima, kazao Ibrišimović

Pripadnici Državne agencije za istrage i zaštitu (SIPA), postupajući po nalogu Tužilaštva BiH, uhapsili su jučer generala Sakiba Mahmuljina, bivšeg komandanta 3. korpusa Armije RBiH, zbog sumnji da je propustio da spriječi ubistvo oko 50 civila srpske nacionalnosti na području Vozuće, počinjeno 1995. godine, saopćeno je iz Tužilaštva BiH.


Mahmuljin je uhapšen u svojoj kući u starom dijelu Sarajeva, tačno u šest sati, nakon čega je kriminalistički obrađen u SIPA-i te predat Tužilaštvu BiH.

## Podređena jedinica

Nakon saslušanja, koje je trajalo skoro četiri sata, Tužilaštvo BiH zatražilo je sinoć da Mahmuljinu bude određen jednomjesečni pritvor. Ročište će biti održano danas u Sudu BiH. Odluku o pritvoru Mahmuljin će sačekati u pritvorskoj jedi-

## Optužen jer je znao?

Mahmuljinu se na teret stavlja i da je imao informacije da se pripadnici njemu podređene jedinice "El Mudžahid" spremaju



Mahmuljin: Komandna odgovornost  
nici Suda BiH.

Mahmuljin je, prema navodima Tužilaštva BiH, osumnjičen za ratne zločine počinjene od jula do oktobra 1995. godine za vrijeme izvođenja ofanzivnih borbenih djelovanja jedinica 3. korpusa ARBiH na širem području Vozuće, u kojima je učestvovala i jedinica "El Mudžahid", čiji su pripadnici za vrijeme ovih borbenih djelovanja ubili oko 50 ratnih zarobljenika srpske

počinili krivična djela, odnosno da su ih već počinili, ali nije ništa poduzeo kako bi spriječio zločine i kazni počinioce.



Ibrišimović: Danas ročište o pritvoru

nacionalnosti, saopćeno je iz ove institucije.

Prethodno, civile je otela druga jedinica 3. korpusa, tvrde iz Tužilaštva. Mahmuljin je osumnjičen za nečovječno postupanje prema oko 20 ratnih zarobljenika i civila, koje su iz te jedinice odbijali odmah predati jedinici Vojne policije u skladu s naredbama.

Mahmuljin se kao komandant 3. korpusa ARBiH tereti da je propustio da spriječi ova djela ratnog zločina protiv ratnih zarobljenika i civila koja su počinili pripadnici "El Mudžahida" te da je propustio da kazni počinioce nakon zločina. Tereti se i za komandnu odgovornost za krivična djela koja su počinili njemu podređeni

pripadnici odreda "El Mudžahid".

Bivši komandant osumnjičen je i za krivično djelo ratnog zločina protiv ratnih zarobljenika, ratnog zločina protiv civilnog stanovništva, ranjenika i bolesnika.

## Sve dokazati

Fahrudin Ibrišimović, Mahmuljinov advokat, koji je jučer prisustvovao saslušanju, kazao nam je da se njegovom klijentu na teret stavlja zapovjedna odgovornost.

- Mahmuljin se nije branio šutnjom. On je odmah negirao da ima bilo kakvu ulogu u zločinima koji mu se stave na teret. On je bio jasan da s tim nema ništa. To ćemo i dokazati. Upitno je da li je postojala njegova zapovjedna odgovornost na koju se Tužilaštvo poziva - rekao nam je Ibrišimović.

On smatra da nije bilo potrebe za predlaganjem pritvora i da je vjerovao da će Mahmuljin biti pušten na slobodu. Odluku o pritvoru jučer je cijeli dan čekao ispred Tužilaštva BiH i Mahmuljinov sin Adin, ali nije želio davati izjave za medije. On mu je sinoć kasno u pritvor donio i garderobu kako bi se presvukao. **M.AŠČIĆ**